

Broj: 149/22
Cazin, 29.03.2022. godine

U skladu sa članom 100. stav (3) Zakona o javnim nabavkama (“Službeni glasnik BiH”, broj 39/14), rješavajući po žalbi ponuđača “MT – moderne tehnologije” d.o.o. Banja Luka od 24.03.2022. godine, zastupanog po Vladimiru Kovačeviću, advokatu iz Banja Luke, izjavljene na tendersku dokumentaciju za javnu nabavku roba "Nabavka računara" putem konkurentskog postupka, broj: KJN-126/22 od 21.03.2022. godine, direktor donosi:

ODLUKU

o usvajanju žalbe, poništenju TD i obustavi postupka

1. USVAJA SE žalba ponuđača “MT – moderne tehnologije” d.o.o. Banja Luka, zastupanog po Vladimiru Kovačeviću, advokatu iz Banja Luke od 24.03.2022. godine, zaprimljena 28.03.2022. godine, izjavljena na tendersku dokumentaciju javne nabavke roba “Nabavka računara” putem konkurentskog postupka, broj: KJN-126/22 od 21.03.2022. godine.
2. Poništava se TD, broj: KJN-126/22 od 21.03.2022. godine.
3. Postupak javne nabavke roba „Nabavka računara“, objavljen na portalu javnih nabavki Obavještenjem o nabavci broj 2577-7-1-75-3-1/22 od 21.03.2022. godine je obustavljen.
4. O troškovima koji se odnose na sastav žalbe će se rješavati posebnim zaključkom.
5. Odluka stupa na snagu danom donošenja.

Obrazloženje

U skladu sa članom 88. Zakona o javnim nabavkama (“Službeni glasnik BiH”, broj 39/14), JU “Centar za kulturu i turizam” Cazin (Ugovorni organ) je na osnovu Odluke o pokretanju postupka predmetne nabavke pokrenula konkurentski postupak, te objavila tendersku dokumentaciju sa tehničkom specifikacijom na portalu javnih nabavki. Obavještenje o nabavci broj 2577-7-1-75-3-1/22 je objavljeno na portalu javnih nabavki 21.03.2022. godine.

Ponuđač “MT – moderne tehnologije” d.o.o. Banja Luka, zastupan po punomoćniku Vladimiru Kovačeviću, advokatu iz Banja Luke, izjavio je žalbu na tendersku dokumentaciju putem pošte koja je zaprimljena kod ovog ugovornog organa dana 28.03.2022. godine. Prilikom ispitivanja žalbe Ugovorni organ je ustanovio da je žalba blagovremena, dopuštena i izjavljena od ovlaštenog lica.

Žaljitelj u predmetnoj žalbi navodi da tenderska dokumentacija nije pripremljena u skladu sa Zakonom o javnim nabavkama i Uputstvom o pripremi modela TD i ponuda.

Nakon pažljivog uvida u predmetnu žalbu, ugovorni organ je ustanovio da je ista osnovana, te je usvojio predmetnu žalbu, poništio TD i obustavio postupak javne nabavke roba „Nabavka računara“.

O troškovima koji se odnose na sastav žalbe Ugovorni organ će rješavati posebnim zaključkom.

Cijeneći navedeno odlučeno je kao u dispozitivu.

Pouka o pravnom lijeku

Svaki ponuđač koji ima legitiman interes za konkretan ugovor o javnoj nabavci i koji smatra da je naručilac (Ugovorni organ) u toku konkretnog postupka prekršio jednu ili više odredbi Zakona o javnoj nabavci i/ili podzakonskih akata ima pravo uložiti žalbu u roku od 5 (pet) dana od dana prijema ove odluke, na konkurenski zahtjev u skladu sa članom 99. Zakona o javnim nabavkama ("Sl.glasnik BIH", broj: 39/14).

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom na adresu ugovornog organa.

Dostavljeno:

- ponuđačima (elektronski)
- portal javnih nabavki
- KJN
- a/a



DIREKTOR

Ermin Beganović, mr.